

史記



批註  
史  
記

大達圖書供應社刊行

史記

卷五十八

梁孝王世家第二十八

與孝景帝  
同母重句  
著眼

吳主父云  
上未置太

梁孝王武者，孝文皇帝子也。而與孝景帝同母。竇太后也。孝文帝凡四男，長子曰太子，是為孝景帝。次子武，次子參，次子勝。漢書勝作楫，又云諸姬生代孝王參，梁懷王。諸姬者，衆妾卑賤，史不書姓，故云諸姬也。孝文帝即位二年，以武為代王。徐廣曰：都中都，在汾州平通縣四十二里。括地志云：中都，以參為太原王。明城，即古晉陽城，智伯與韓魏攻趙襄子於晉陽，即此城也。是以勝為梁王。耳。徐廣曰：都睢陽，漢書梁王名揖，蓋是矣。按景帝子中山靖王名勝，是史記誤也。睢陽故改曰梁也。二歲，徙代王為淮陽王。徐廣曰：都陳，睢陽故改曰梁也。徐廣曰：都陳，陳國城也。以代盡與太原王，號曰代王。參立十七年，孝文後二年卒，諡為孝王。子登嗣立，是為代共王。立二十九年，元光二年卒。子義立，是為代王。十九年，漢廣關以常山為限，而徙代王王清河。徐廣曰：都清陽，括地志云：清河王徙以元鼎三年也。初武為淮陽王十年，而梁王勝卒，諡為梁懷王。懷王最少子，愛幸異於他子。其明年，徙淮陽王武為梁王。梁王之初，王梁，孝文帝之十二年也。梁王自初王，通歷已十一年矣。謂自文帝二年初封代，後徙淮陽，為十一年也。梁王十四年入朝，十七年十八年，比年入朝，留其明年，乃之國。二十一年入朝，二十二年，孝文帝崩，二十四年入朝，二十五年復入朝。是時上未置太子也。上與梁王燕飲，嘗從容言曰：千秋萬歲後，傳於

子句提擊  
後文梁望  
觀此怨望  
全自此句  
生

怡於此時  
立太子兩  
兩形容所  
以激動之  
贊文正云  
自功最親  
大國以下  
出見梁王  
欲為不望  
者皆太后  
景帝有以  
熱鬧處正  
形容侈張

王辭謝雖知非至言然心內喜太后亦然其春吳楚齊趙七國反吳楚先擊梁棘壁梁文穎曰地名按左氏傳宣

公二年宋華元戰于大棘杜預云在襄邑東南蓋即棘壁是殺數萬人梁孝王城守睢陽而使韓安國張

羽等為大將軍以距吳楚吳楚以梁為限不敢過而西與太尉亞夫等相距三月吳楚破而梁所破殺虜

略與漢中分梁案漢書音義曰梁所虜吳楚之捷略與漢等明年漢立太子其後梁最親有功又為大國居天下膏腴地地北

界泰山西至高陽梁案漢書音義曰梁所虜吳楚之捷略與漢等圍縣屬陳留高陽鄉名也注引司馬彪者出續漢書郡國志也四十餘城皆多大縣孝

王竇太后少子也愛之賞賜不可勝道於是孝王築東苑梁案謂建也白虎通云苑所築以東者何蓋以東方生物故也方三百餘里

蓋言其奢非實辭或者梁國封域之方梁案謂建也白虎通云苑所築以東者何蓋以東方生物故也苑圍在宋州宋城縣東南十里葛洪西京雜記云

梁孝王苑中有落援殿栖龍岫鴈池鶴州鳧島諸宮觀相連奇果佳樹瑰禽異獸靡不畢備俗人言梁孝

王竹園也廣睢陽城七十里梁案蘇林云廣其徑也太康地理記云城方十三里梁孝王築之鼓倡節杵大治

宮室為複道自宮連屬於平臺五十餘里梁案徐廣曰睢陽有平臺里駟案如淳曰在梁東北離宮所在

在也按今城東二十里臨新河有故臺址不其高俗云平臺又一得賜天子旌旗出從千乘萬騎梁案漢

天子法駕三十六乘大駕八十乘皆備千乘萬騎而出也東西馳獵擬於天子出言趨入言警梁案漢書儀云皇帝輦動稱警出殿

入亦招延四方豪傑自山以東游說之士莫不畢至齊人羊勝公孫詭鄒陽之屬公孫詭多奇邪計梁案周禮

有奇表之人鄭玄云奇表謂也初見王賜千金官至中尉梁號之曰公孫將軍梁多作兵器弩弓矛數十

萬而府庫金錢且百巨萬梁案如淳云巨亦大與大百萬珠玉寶器多於京師二十九年十月梁孝王入

朝景帝使使持節乘輿駟馬迎梁王於闕下車馬皆往言不駕六馬耳天子副車駕駟馬則既朝上疏因



處處不離  
太后  
怡有廢太  
子事

天子意梁  
王著疑問  
之始

上怨梁王  
一層通緊  
一層  
怨字怒字  
俱句中眼  
目  
太后泣曰  
伏殺疏明  
益疏著明

怨怒未解  
知子者莫  
如父太后  
蓋已知帝  
有死弟之  
心矣

留以太后親故。王入則侍景帝同輦。出則同車游獵。射禽獸上林中。梁之侍中郎謁者著籍引出入天子殿門。與漢宦官無異。《通鑑》著竹略反籍謂名簿也。若今通引出入門也。十一月。上廢栗太子。竇太后心欲以孝王為後嗣。大臣及袁盎等有所關說於景帝。《通鑑》袁盎云漢家法周道立子是有所關涉之說於帝也。一云關者隔也。引事而關隔其說不得行也。竇太后議格。《通鑑》如淳曰。格謂張也。通俗文云。高置立。竇太后議格。竇聞不行。蘇林音閣。周成雜。亦遂不復言以梁王為嗣事。由此以事祕。世莫知。乃辭歸國。其夏四月。上立膠東王為太子。梁王怨袁盎及議臣。乃與羊勝公孫詭之屬。陰使人刺殺袁盎。及他議臣十餘人。逐其賊。未得也。於是天子意梁王。《通鑑》謂意逐賊果梁使之。乃遣使冠蓋相望於道。覆按梁捕公孫詭羊勝公孫詭羊勝匿王後宮。使者責二千石急。梁相軒邱豹及內史韓安國進諫。王。《通鑑》姓軒邱名豹也。王乃命勝詭皆自殺。出之。上由此怨望於梁王。梁王恐。乃使韓安國因長公主謝罪太后。然後得釋。上怒稍解。因上書請朝。既至關。茅蘭說王。《通鑑》茅蘭漢書音。使乘布車。《通鑑》張晏曰。布車。降服。自比喪人。從兩騎入。匿於長公主園。漢使使迎王。王已入關。車騎盡居外。不知王處。太后泣曰。帝殺吾子。景帝憂恐。於是梁王伏斧質於闕下謝罪。然後太后景帝大喜。相泣。復如故。悉召王從官入關。然景帝益疏王。不同車輦矣。三十五年冬。復朝。上疏欲留。上弗許。歸國。意忽忽不樂。北獵良山。《通鑑》漢書作梁山。述征記云。良山際清也。《通鑑》括地志云。梁山在郟州。有獻牛。足當處下。所以輔身也。今出背上。象孝王壽張縣南三十五里。即獵處也。有獻牛。足當處下。所以輔身也。今出背上。象孝王之奇。衝在六月。北方數。孝王惡之。六月中。病熱。六日卒。諡曰孝王。《通鑑》述征記。孝王慈孝。每聞太后病。六故。六月六日薨也。孝王惡之。六月中。病熱。六日卒。諡曰孝王。《通鑑》述征記。孝王慈孝。每聞太后病。口不能食。居不安寢。常欲留長安。侍太后。太后亦愛之。及聞梁王薨。竇太后哭極哀。不食。曰。帝果殺吾子。

景帝哀懼，不知所為，與長公主計之，乃分梁為五國。離漢東王，子定山陽王，子不識濟陰王，子彭

五人為王，女五人，皆食湯沐邑。於是奏之太后，太后乃說，為帝加壹。梁孝王長子買為梁王，是為共王。

子明為濟川王，子彭離為濟東王，子定為山陽王，子不識為濟陰王，孝王未死時，財以巨萬計，不可勝數。

及死，藏府餘黃金尚四十餘萬斤，他財物稱是。梁共王三年，景帝崩，共王立七年卒，子襄立，是為平王。

梁平王襄書作讓十四年，母曰陳太后，共王母曰李太后，親平王之父母也。而平王之后姓任，曰

任王后，任王后甚有寵於平王襄。初，孝王在時，有囂樽直千金。鄭德曰：上蓋刻為雲雷象，應劭

飾之。孝王誠後世善保囂樽，無得以與人。任王后聞而欲得囂樽，平王太母孝太后曰：先王有命，無得以囂

樽與人，他物雖百巨萬，猶自恣也。任王后絕欲得之，平王襄直使人開府取囂樽，賜任王后。李太后大怒。

漢使者來，欲自言，平王襄及任王后遮止閉門。李太后與爭門，措指。晉灼曰：許慎措置措以為竿，

前隊皆作此字，說文云：遂不得見漢使者。李太后亦私與食官長及郎中尹霸等士通亂。本有土字，先生

疑是衍字，又不敢除，故以朱大點其字中心，今按食官長及郎中尹霸等是士人，太后與通亂，其義亦通也。而王與任王后以此使人風止李太后，李太后內

有淫行，亦已。後病薨，病時，任后未嘗請病，薨又不持喪。元朔中，睢陽人類犴反者，韋昭云：犴音岸，按

或作友。人有辱其父，而與淮陽太守客出同車，太守客出下車，類犴反殺其仇於車上，而去。淮陽太守怒，以

讓梁二千石，二千石以下求反甚急，執反親戚，反知國陰事，乃上變事，具告知王與大母爭樽狀。時丞相

以下具知之，欲以傷梁長吏，其書聞天子，天子下吏驗問，有之。公卿請廢襄為庶人，天子曰：李太后有淫

寫得精采  
有聲色

然亦僭矣  
句下吳云  
漢書有帖  
親無厭牛  
禍告死卒  
夫以憂死  
疑亦史字  
今脫案文  
四字仍應  
補入史公

行而梁王襄無良師傅，故陷不義，乃削梁八城，梟任王后首于市。梁餘尚有十城，襄立三十九年卒，諡爲平王。子無傷立爲梁王也。

濟川王明者，梁孝王子，以桓邑侯。

地理志桓邑關

孝景中六年爲濟川王，七歲坐射殺其中尉，漢有司請誅，天

子弗忍誅，廢明爲庶人，遷房陵地入于漢爲郡。

濟東王彭離者，梁孝王子，以孝景中六年爲濟東王，二十九年彭離驕悍，無人君禮，昏暮私與其奴亡命

少年數十人行剽，殺人取財物以爲好。

如淳曰以是爲好喜之事

所殺發覺者百餘人，國皆知之，莫敢夜行，所殺者

子上書言，漢有司請誅，上不忍，廢以爲庶人，遷上庸地入于漢爲大河郡。

山陽哀王定者，梁孝王子，以孝景中六年爲山陽王，九年卒，無子，國除，地入于漢爲山陽郡。

漢陰哀王不識者，梁孝王子，以孝景中六年爲濟陰王，一歲卒，無子，國除，地入于漢爲濟陰郡。

太史公曰，梁孝王雖以親愛之故，王膏腴之地，然會漢家隆盛，百姓殷富，故能植其財貨，廣宮室，車服擬

於天子，然亦僭矣。

褚先生曰，臣爲郎時，聞之於宮殿中，老郎吏好事者稱道之也，竊以爲令梁孝王怨望，欲爲不善者，事

從中生，今太后女主也，以愛少子故，欲令梁王爲太子，大臣不時正言其不可狀，阿意治小，私說意以

受賞賜，非忠臣也，齊如魏其侯寶嬰之正言也。

寶嬰袁盎皆言如周家立子不合立弟

何以有後禍，景帝與王燕見，侍

太后飲，景帝曰，千秋萬歲之後，傳王，太后喜說，寶嬰在前，據地言曰，漢法之約，傳子適孫，今帝何以得

傳弟。擅亂高帝約乎。於是景帝默然無聲。太后意不說。故成王與小弱弟立樹下。取一桐葉以與之。曰：吾用封汝。周公聞之。進見曰：天王封弟甚善。成王曰：吾直與戲耳。周公曰：人主無過舉。不當有戲言。言之必行之。於是乃封小弟以應縣。此說與晉世家不同。事與封叔虞同。彼云封唐。此云封應。應亦汝州魯山縣東四十里。呂氏春秋云：成王戲削桐葉爲圭，以封叔虞。非應侯也。又汲冢古文云：殷時已有應國。非成王所造也。是後成王沒齒不敢有戲言。言必行之。孝經曰：非法不言，非道不行。此聖人之法言也。今主上不宜出好言於梁王。梁王上有太后之重，驕蹇日久。數聞景帝好言千秋萬世之後傳王，而實不行。又諸侯王朝見天子，漢法凡當四見耳。始到，入小見。到正月朔旦，奉皮薦璧玉，賀正月。法見後三日，爲王置酒，賜金錢財物。後二日，復入小見，辭去。凡留長安不過二十日。小見者，燕見於禁門內，飲於省中，非士人所得入也。今梁王西朝因留，且半歲，入與人主同輦，出與同車，示風以大言，而實不與，令出怨言，謀畔逆，乃隨而變之，不亦遠乎。非大賢人不知退讓，今漢之儀法，朝見賀五月者，常一王與四侯俱。朝見十餘歲一至。今梁王常比年入朝見，久留鄙語曰：驕子不孝，非惡言也。故諸侯王當爲置良師傅，相忠言之士，如汲黯、韓長孺等，敢直言極諫，安得有患害。蓋聞梁王西入朝，謁寶太后，燕見，與景帝俱侍坐於太后前，語言私說。太后謂帝曰：吾聞殷道親親，周道尊尊，其義一也。殷人尙質，親親謂親其弟而授之。周人尙文，尊尊謂尊祖之正體，故立其子尊其祖也。安車大駕，用梁孝王爲寄。景帝跪席舉身曰：諾。罷酒出。帝召袁盎諸大臣通經術者曰：太后言如是，何謂也。皆對曰：太后意欲立梁王爲帝太子，帝問其狀，袁盎等曰：殷道親親者立弟，周道尊尊者立子。殷道質質者法天，親其所親，故



立弟。周道文。文者法地。尊者敬也。敬其本始。故立長子。周道太子死。立適孫。殷道太子死。立其弟。帝曰。於公何如。皆對曰。方今漢家法周。周道不得立弟。當立子。故春秋所以非宋宣公。宋宣公死。不立子而與弟。弟受國。死復反之。與兄之子。弟之子爭之。以爲我當代父後。卽刺殺兄子。以故國亂。禍不絕。故春秋曰。君子大居正。宋之禍。宣公爲之。臣請見太后。白之。袁盎等入見太后。太后言欲立梁王。梁王卽終。欲誰立。太后曰。吾復立帝子。袁盎等以宋宣公不立正生禍。禍亂後五世不絕。小不忍。害大義。狀報太后。太后乃解說。卽使梁王歸就國。而梁王聞其議出於袁盎諸大臣所怨望。使人來殺袁盎。袁盎顧之曰。我所謂袁將軍者也。公得毋誤乎。刺者曰。是矣。刺之。置其劍。劍著身。視其劍新治。問長安中削厲工。工曰。梁郎某子來治此劍。醫國謂梁國之郎。是孝王官屬某子。史失其姓名也。以此知而發覺之。發使者捕逐之。獨梁王所欲殺大臣十餘人。文吏窮本之。謀反端頗見。太后不食。日夜泣不止。景帝甚憂之。問公卿大臣。大臣以爲遣經術吏往治之。乃可解。於是遣田叔。呂季主往治之。此二人皆通經術。知大禮。來還至霸昌廐。霸昌廐。在雍州。漢霸昌廐。在雍州。萬年縣東北三十八里。取火悉燒梁之反辭。但空手來對景帝。景帝曰。何如。對曰。言梁王不知也。造爲之者。獨其幸臣羊勝。公孫詭之屬爲之耳。謹以伏誅死。梁王無恙也。景帝喜說。曰。急趨謁太后。太后聞之。立起坐。澹氣平復。故曰。不通經術。知古今之大禮。不可以爲三公。及左右近臣。少見之人。如從管中闕天也。

索隱述贊曰。文帝少子。徙封於梁。太后鍾愛。廣築睢陽。旌旗警蹕。勢擬天王。功扞吳楚。計賊孫羊。寶嬰正議。袁盎劫傷。漢窮梁獄。冠蓋相望。禍成驕子。致此猖狂。雖分五國。卒亦不昌。

考證

梁孝王世家。乃使韓安國因長公主謝罪太后。○歸有光曰。安國傳。因長公主謝太后。事在前。非為勝詭事。

使乘布車。集解。張晏曰。布車。降服。自比喪人。○顧炎武曰。乘布車。謂微服而行。使人不知耳。無降服。自比喪人之意。

卷五十九

五宗世家第二十九

景帝子十四人。一武帝。餘十三人。為王。漢書謂之景十三王。此名五宗者。十三人為王。其母五人。同母者為宗也。

孝景皇帝子。凡十三人為王。而母五人。同母者為宗親。栗姬子。曰榮德。闕于。漢書闕音邊。無子字。程姬子。曰餘。非端。賈夫人子。曰彭祖。勝。唐姬子。曰發。王夫人兒。媯子。曰越。寄。乘。舜。媯音況。羽反。兒。媯。夫人名。王皇后之妹也。

河間獻王德。以孝景帝前二年。用皇子為河間王。漢書云。大行令奏。好儒學。被服造次。必於儒者。山

東諸儒。多從之游。二十六年卒。衆儒皆歸之。孝武帝時。獻王朝。被服造次。必於儒者。山

無窮。孝武帝。絕然。難之。謂獻王曰。湯以七十里。文王百里。王其勉之。王知其意。歸。即縱酒聽樂。因以終。對

於儒。子共王。不害。立。四年卒。子剛王。基代立。十二年卒。子頃王。授代立。漢書云。頃音傾。

方望溪云。孝景皇帝。凡十人。為宗。其法。古。略。每段。俱約。而。神。貌。各。別。寫。生。妙。手。頗。上。三。毫。

臨江哀王闕于以孝景帝前二年用皇子爲臨江王三年卒無後國除爲郡

臨江閔王榮以孝景前四年爲皇太子四歲廢用故太子爲臨江王四年坐侵廟墻垣爲宮宮外之餘地

顧野王云牆外行馬內田音人椽反又音軟又音奴亂反墻垣牆外之短垣也上徵榮榮行祖於江陵北門風俗通云共工氏之子曰修好遠遊

故記爲祖神又崔浩云黃帝之子螺祖好遠遊而死於道因以爲行神亦不知其何據蓋見其謂之祖因以爲螺祖非也據帝系及本紀皆言螺祖黃帝妃無爲行神之由也又聘禮云出祖釋軼祭脯酒而已按

今祭禮以載壤土爲壇於道則用黃瓶或用狗以其瓶血豐左輪而聽荆州圖副云漢臨江閔王榮始都江陵城坐侵廟墻地爲宮被徵出城北門而車軸折父老共流涕曰吾王不反矣既而爲郢都所訊懼而

啓蓋爲榮不以道終也既已上車軸折車廢江陵父老流涕竊言曰吾王不反矣榮至詣中尉府簿中

尉郢都責訊王王恐自殺葬藍田燕數萬衛士置冢上百姓憐之榮最長死傳居二王後者以其從太子

廢後乃爲王也無後國除地入于漢爲南郡

### 右三國本王皆栗姬之子也

魯共王餘以孝景前二年用皇子爲淮陽王二年吳楚反破後以孝景前二年徙爲魯王好治宮室苑囿

狗馬季年好音不喜辭辯爲人吃二十六年卒子光代爲王初好音與馬晚節晚節猶言未惟恐

不足於財

江都易王非以孝景前二年用皇子爲汝南王更故舊曰易吳楚反時非年十五有材力上書願擊吳景

帝賜非將軍印擊吳吳已破二歲徙爲江都王治吳故國以軍功賜天子旌旗元光五年匈奴大入漢爲

賊非上書願擊匈奴上不許非好氣力治宮觀招四方豪傑驕奢甚立二十六年卒子建立爲王七年自

殺淮南衡山謀反時，建頗聞其謀，自以爲國近淮南，恐一日發，爲所并，卽陰作兵器，而時佩其父所賜將軍印，載天子旗以出，易王死，未葬，建有所說，易王寵美人淖姬，蘇林曰：淖音泥淖，女孝反。夜使人迎與紆服舍中。淖音淖，姓也。齊有淖齒是也。漢書云：建召易王所愛淖姬等十人，與姦服舍中也。及淮南事發，治黨與，頗及江都王建，建恐，因使人多持金錢，事絕其獄，而又信巫祝，使人禱祠妄言，建又盡與其姊弟姦。漢書云：建女弟微臣，爲蓋侯子婦，以易王喪來歸，建復與姦也。事旣開，漢公卿請捕治建，天子不忍，使大臣卽訊王，王服所犯，遂自殺，國除，地入于漢爲廣陵郡。

膠西于王端，以孝景前三年，吳楚七國反破後，端用皇子爲膠西王。按逸周書：端爲人賊戾，又陰痿，不能御婦人。一近婦人，病之數月，而有愛幸少年爲郎，爲郎者頃之，與後宮亂，端禽滅之，及殺其子

母，數犯上法，漢公卿數請誅端，天子爲兄弟之故，不忍，而端所爲滋甚，有司再請削其國，去太半，端心慍，遂爲無訾省。蘇林曰：爲無所訾錄，無所省錄，資財。府庫壞漏，盡腐財物，以巨萬計，終不得收，徒令

吏毋得收租賦，端皆去衛，置宿衛人，不封其宮門。從一門出游，數變名姓，爲布衣，之他郡國，相二千石往者，奉漢法以治，端輒求其罪告之，無罪者，詐藥殺之，所以設詐究變。究窮也。故郭璞云：究謂窮盡。彊足以距諫，智足以

飾非，相二千石從王治，則漢繩以法，故膠西小國，而所殺傷二千石甚衆，立四十七年，卒，竟無男代，後國除，地入于漢爲膠西郡。

右三國本主，皆程姬之子也。

趙王彭祖，以孝景前二年，用皇子爲廣川王，趙王遂反破後，彭祖王廣川，四年，徙爲趙王，十五年，孝景帝

趙王彭祖，以孝景前二年，用皇子爲廣川王，趙王遂反破後，彭祖王廣川，四年，徙爲趙王，十五年，孝景帝

趙王彭祖，以孝景前二年，用皇子爲廣川王，趙王遂反破後，彭祖王廣川，四年，徙爲趙王，十五年，孝景帝

趙王彭祖，以孝景前二年，用皇子爲廣川王，趙王遂反破後，彭祖王廣川，四年，徙爲趙王，十五年，孝景帝

趙王彭祖，以孝景前二年，用皇子爲廣川王，趙王遂反破後，彭祖王廣川，四年，徙爲趙王，十五年，孝景帝

長句似贅  
然一句包  
括數事則  
仍簡也

以與趙王  
相非作兩  
兩對勸章  
法自別

崩彭祖爲人巧佞卑諂足恭而心刻深謂刻害深無仁恩好法律持詭辯以中人謂詭誑之辯以傷中人彭祖多內寵姬

及子孫相二千石欲奉漢法以治則害於王家是以每相二千石至彭祖衣卓布衣自行迎除二千石舍

謂彭祖自爲二千石掃除其舍以迎之也多設疑事以作動之得二千石失言中忌諱輒書之二千石欲治者則以此迫劫

不聽乃上書告及汙以姦利事彭祖立五十餘年相二千石無能滿二歲輒以罪去大者死小者刑以故

二千石莫敢治而趙王擅權使使卽縣爲買人權會謂章昭曰平會兩家買賣之買也權者禁他家獨

古外反謂爲買人專權買賣之買僮以取利若入多於國經租稅謂國家常納之租稅以是趙王家多

金錢然所賜姬諸子亦盡之矣彭祖取故江都易王寵姬王建所盜與姦淖姬者爲姬甚愛之彭祖不好

治宮室祿祥謂服虔曰求福也按坤蒼云禮祿祥也列好爲吏事上書願督國中盜賊常夜從走

卒行徼謂上下孟反下工用反是邯鄲中諸使過客以彭祖險陂莫敢留邯鄲其太子丹與其女及

同產姊姦與其客江充有郤充告丹丹以故廢趙更立太子

中山靖王勝以孝景前三年用皇子爲中山王十四年孝景帝崩勝爲人樂酒謂樂五教反好內有子枝屬百

二十餘人常與兄趙王相非曰兄爲王專代吏治事王者當日聽音樂聲色趙王亦非之曰中山王徒日

淫不佐天子拊循百姓何以稱爲藩臣立四十二年卒謂漢書建元三年濟川中山王等來朝聞樂而

雄壯詞切而理文天子加親子哀王昌立一年卒子昆侈代爲中山王謂漢書昆侈諡康王子

右二國本王皆買夫人之子也



長沙定王發。發之母唐姬。故程姬侍者。景帝召程姬。程姬有所辟。不願進。羣妾以次進御。有月事者止不御。更不口說。故以丹注面目的。的為識。令女史見之。王察神女賦。以為脫桂裳。免簪筓。而飾侍者唐兒。使施玄的結羽斂的。即釋名所云也。說文云。婢女汚也。漢律云。見婢變。不得侍祠。婢音半。而飾侍者唐兒。使夜進。上醉不知。以為程姬。而幸之。遂有身。已乃覺。非程姬也。及生子。因命曰發。以孝景前二年。用皇子為長沙王。以其母微無寵。故王卑濕貧國。張袖小舉手。左右笑其拙。上帷間之。對曰。臣國小地狹。不足迴旋。帝以武陵。零陵。桂陽。屬焉。立二十七年。卒。子康王庸立。二十八年。卒。子鮒鮒立。鮒音拘。為長沙王。

右一國本王。唐姬之子也。

廣川惠王越。以孝景中二年。用皇子為廣川王。十二年。卒。子齊立為王。漢書齊諡繆王。齊有幸臣桑距。已而有罪。欲誅距。距亡。王因禽其宗族。距怨王。乃上書告王齊與同產姦。自是之後。王齊數上書告言。

漢公卿及幸臣所忠等。漢書告中尉秦彭祖子去嗣。坐暴虐。勃亂國除也。彭祖所忠姓名。

膠東康王寄。以孝景中二年。用皇子為膠東王。二十八年。卒。淮南王謀反時。寄微聞其事。私作樓車。鏃矢

戰守備。候淮南之起。人謂看敵國營壘之虛實也。李巡注。爾雅。金矢以金為箭。鏃。鏃字。林音。子木反。及吏

治淮南之事。辭出之。治其辭出此事。寄於上最親。皇后之妹。於上為從母。故寄於諸兄弟。最為親愛也。意

傷之。發病而死。不敢置後。於是上問寄有長子者名賢。母無寵。少子名慶。母愛幸。寄常欲立之。為不次。因

有過。遂無言。上憐之。乃以賢為膠東王。奉康王嗣。而封慶於故衡山地。為六安王。膠東王賢立十四年。卒。

諡為哀王。子慶為王。徐廣曰。他本亦作慶字。惟一本作建。不宜得與叔父同名。相承之誤。六安王慶以元狩二年。用膠東康王子為六安

吳至父云  
此文未終  
當依漢書  
增告彭祖  
事

王。

清河哀王乘。以孝景中三年。用皇子為清河王。十二年卒。無後。國除。地入于漢。為清河郡。

常山憲王舜。以孝景中五年。用皇子為常山王。舜最親。景帝少子。驕怠多淫。數犯禁。上常寬釋之。立三十

二年卒。太子勃代立為王。初。憲王舜有所不愛。姬生長男。稅。蘇林曰音奪。郭璞音之悅。反。許慎說文解字云。他活反。字從木。稅以母

無寵。故亦不得幸於王。王后脩生太子勃。王內多所幸。姬生子平子商。王后希得幸。及憲王病甚。諸幸

姬常侍病。故王后亦以妒媚不常侍病。音亡報反。郭氏作媚。郭璞註。三音云。媚。丈夫妒也。又云。妒。女為媚。輒歸舍。醫進藥。太子勃不自

嘗藥。又不宿留侍病。及王薨。王后太子乃至。憲王雅不以長子稅為人數。及薨。又不分與財物。郎或說太

子王后。令諸子與長子稅共分財物。太子王后不聽。太子代立。又不收恤稅。稅怨王后太子。漢使者視憲

王喪。稅自言憲王病時。王后太子不侍。及薨。六日出舍。如淳曰。服舍也。太子勃私姦。飲酒博戲擊筑。與女子載

馳環城過市。入牢視囚。天子遣大行騫。關。按是張騫。驗王后。及問王勃。請逮勃所與姦諸證左。王又匿之。吏求

捕勃大急。使人致擊笞掠。擅出漢所疑囚者。有司請誅憲王后脩及王勃。上以脩素無行。使稅陷之罪。勃

無良師傅。不忍誅。有司請廢王后脩。徙王勃以家屬處房陵。上許之。勃王數月。遷于房陵。國絕月餘。天子

為最親。乃詔有司曰。常山憲王蚤夭。后妾不和。適孽誣爭。陷於不義。以滅國。朕甚閔焉。其封憲王子平三

萬戶為真定王。封子商三萬戶為泗水王。泗水。海州。

真定王平。元鼎四年。用常山憲王子為真定王。泗水思王商。以元鼎四年。用常山憲王子為泗水王。十一

方云吏求  
捕諸佐  
於人擊掠  
使左擊掠  
勃語泄  
恐出漢所  
疑也漢所  
疑囚漢所  
疑囚漢所  
疑諸佐與

年卒。子哀王安世立。十一年卒。無子。於是上憐泗水王絕。乃立安世弟賀為泗水王。

右四國本王皆王夫人兒。姁子也。其後漢益封其支子為六安王。泗水王二國。凡兒姁子孫。於今

為六王。

太史公曰。高祖時。諸侯皆賦。徐廣曰。國所得自除內史以下。漢獨為置丞相。黃金印。諸侯自除御史

廷尉。正博士。擬於天子。自吳楚反後。五宗王世。漢為置二千石。去丞相曰相。銀印。諸侯獨得食租稅。奪之

權。其後諸侯貧者。或乘牛車也。

索隱述贊曰。景十三子。五宗親睦。栗姬既廢。臨江折軸。闕于早薨。河間儒服。餘好宮苑。端事馳逐。江都有才。中山禮福。長沙地小。膠東造鐵。仁賢者代。悖亂者族。兒姁四王。分封為六。

考證

五宗世家。入多於國經租稅。索隱。經常也。謂王家入多於國家常納之租稅。○徐孚遠曰。索隱不明。謂王專權會之利。故市租之入。反多於田租也。

卷六十

三王世家第三十

大司馬臣去病去病昧死再拜上疏皇帝陛下。陛下過聽。使臣去病待罪行間。宜專邊塞之思。慮暴骸中

野。無以報。乃敢惟他議。以干用事者。誠見陛下憂勞天下。哀憐百姓。以自忘。虧膳貶樂。損郎員。皇子賴天。

曾文正云。歸人微而。方望溪謂。於無忌者。蓋多近古。之詞。吾謂。世家等文。乃更進於。叙述賢哲。功臣之。抑於黃。注於黃。金也。

楊升庵云。按三王世。家載疏。奏制加文。

辭可觀又  
見漢廷奏  
復頌下施  
行之式

能勝衣趨拜。至今無號位師傅官。陛下恭讓不恤羣臣私望，不敢越職而言。臣竊不勝犬馬心，昧死願陛下詔有司，因盛夏吉時，定皇子位。明堂月令云：季夏月，唯陛下幸察。臣去病昧死再拜，以聞。皇帝陛下三月乙亥，御史臣光守尚書令，奏未央宮，制曰：下御史六年三月戊申朔乙亥，御史臣光守尚書令丞非耳。奏狀有尚書令官位，而史闕其名。下御史書到，言丞相臣青翟。莊御史大夫臣湯。張湯太常臣充。趙充大行令臣息。太子少傅臣安。任行宗正事，昧死上言。大司馬去病上疏曰：陛下過聽使臣去病待罪行間，宜專邊塞之思，慮暴骸中野，無以報。乃敢惟他議，以干用事者，誠見陛下憂勞天下，哀憐百姓，以自忘，虧膳，貶樂，損郎員，皇子賴天，能勝衣趨拜。至今無號位師傅官，陛下恭讓不恤，羣臣私望，不敢越職而言。臣竊不勝犬馬心，昧死願陛下詔有司，因盛夏吉時，定皇子位，唯願陛下幸察。制曰：下御史臣謹與中二千石二千石臣賀等議。公古者裂地立國，並建諸侯，以承天子，所以尊宗廟，重社稷也。今臣去病上疏，不忘其職，因以宣恩，乃道天子卑讓自貶，以勞天下。慮皇子未有號位，臣青翟臣湯等宜奉義遵職，愚僮而不逮事。方今盛夏吉時，臣青翟臣湯等昧死請立皇子臣闔。一作闔臣旦臣胥爲諸侯王，昧死請所立國名。制曰：蓋聞周封八百，姬姓並列，或子男附庸，禮支子不祭，云並建諸侯，所以重社稷，朕無聞焉。且天非爲君生民也。人爲立君長司牧之耳，非大爲君而生人也。朕之不德，海內未洽，乃以未教成者，彊君連城，卽股肱何勸。義也。皇子未習教義，而彊使爲諸侯王，君以連城之人，則大臣何勸。其更議，以列侯家之。三月丙子，奏未央宮，丞相臣青翟，御史大夫臣湯，昧死言。臣謹與列侯臣嬰齊